

No. F.14019/1/2020-SCPCR

:

Dated Aizawl, the 19<sup>th</sup> October, 2023

## **PRESS STATEMENT**

### **Pu Joel Joseph Denga'n Aizawl District Court-ah Probation Officer's Office leh Children's Room te a hawng**

Nimin, October Ni 18, chawhnu dar 3 khan **Pu Joel Joseph Denga, District & Sessions Judge, Aizawl Judicial District** chuan **Aizawl District Court-ah** naupang, hursualna tuartute leh naupang an nu ten Lung-in an tanpuite leh naupang, chhan hrang hrang avanga Court-a inlan leh kal ngai te tan **Child Welfare Officer's Office leh Children's Room** te a hawng.

He hawwna programme hi **Dr. HTC. Lalrinchhana, Special Judge, PC Act** chuan a kaihruai a. **Pu Joel Joseph Denga** chu khuallian niin, heng Room-te hi hawngin **Mizoram State Commission for Protection of Child Rights (MSCPCR)**-in naupangte dikna chanvo humhalh a nih theihnana t̄angkai taka hmang turin duhsakna a hlan.

**Dr. C. Lalsangzuala, Chairperson, MSCPCR** in programme khuhhawwna neiin, **Child Probation Officer's Office leh Children's Room** awmchhan leh a thawktute'na an hnathawh tur ruangam te sawifiahna hun a nei a. **Dr. C. Lalsangzuala** chuan naupang, hursualna tuartute leh naupang, an nu ten Lung-ina an tan pui te leh, naupang, chhan hrang hrang avanga Court-a inlan ngai te tana he Office leh Room te hi siam an nih thu a sawi. Tin, naupang, Court-a chhan hrang hrang vanga kal ngaite ngaihngam taka an awm theihna turin **Children's Room** siam a nib awk a. Naupangte tana hmun nuam a nih theihna turin **Directorate of Women & Child Development (WCD)** chuan bungrua leh hmanraw chi hrang hrangin a thuam nghal baw a ni a ti.

**Pu Joel Joseph Denga** chuan, naupang, hursualna tuartuten Court-a harsatna an tawh t̄hin tih tawp a nih theihna turin hetiang hmunhma hi mamawhna a san viau thu leh **District Court** zawng zawngah pawh siam zel a nih theihna turin **MSCPCR** chuan hma la zel thei se a tih thu a sawi a. **Court building** leh a chhehvelah naupang khuaikhem leh pawngsualtua puhte leh a tuartu (victims) te chu a hring a hrana inhmuh palh theihna chance a awm t̄hin avangin a tuartu naupangte chuan Court-a **evidence** pek chungchangah te harsatna an tawh zui t̄hin a, rilru lamah pawh harsatna an tawh phah t̄hin avangin a tuartu naupangte chu t̄ha taka zawhna te an chhan theihna'na lo fuih a, huaisenna an neih theihna tura lo buatsaih a t̄ul thu a sawi. Tin, **Pu Joel Joseph Denga** chuan, Mizoramah **POCSO Victims Compensation** pawh Sorkar sum harsatna avangin la pek loh tamtak an la awm thu a sawi baw a ni.

**MSCPCR** chuan **Aizawl District Court-a Probation Officer's Office leh Children's Room** te siam an nih theihna'na hma latu **District & Sessions Judge** lo ni tawh leh ni lai mek te, **Aizawl District Court-a** thuneitute leh **Directorate of Women & Child Development** te chungah lawmthu a sawi tak meuh a ni.

*Issued by*  
*Mizoram State Commission for Protection of Child Rights*